



FESTAUSSCHUSS BONNER KARNEVAL E.V.
ZUR PFLEGE FASTNÄCHTLICHER BRÄUCHE IM BUND DEUTSCHER KARNEVAL.

SING MIT!

BÖNNISCHE PÄNZ

met janz vill Bonner Pänz



1. BONNLEEDCHE

Text und Musik: Volker Kriegsmann

**Bonn, du bes die Stadt, die ming Hätz enjefange hat,
e kleen besje Jroßstadt e besje verdräump,
häs Minsche us alle Natione vereint,
Du bes die Stadt, die uns all he verzaubert hat.**

De Landschaff es schön wie et Paradies
En die ons Städtche he enjebett es
Et Siebenjebirje, de Venusberch, de Rolandsbore, de Rhing,
ach wenn ich add lang nit he wunne dät, ich köm op Urlaub he hin.


Refrain

En Bonn Castell hät de Römer jebaut.
Däm Ubier hät er et Jrondstöck jeklaut.
En Friesdorf han se de Franke verjrove, die sin vür rund dausend Johr add jesterve.
De Steinzeit scheck ons als schöne Jroß De Homo Oberkasselsius.

Refrain

Op Äde janz ärch vun de Taubheit jeploch
Sproch Beethoven dennoch en himmlische Sproch
Füe all die Minsche de janze Welt
vom Schöpfer övve däm Stänezelt
von Freude un och von Bröderlichkeit
en Bonn do semme bestimp esu weit!

Refrain



2. BUUREDANZ

Text und Musik: Bläck Fööss

Spellmannszöch hüét me övverall
Un de Tromme met hadem Knall,
Och de Ferke die quieke em Stall,
Wenn en Berkesdörp de Buur
Op de Huhzick danz,
Jo wenn en Berkersdörp de Buur
Op de Huhzick danz.

Schötzebröder kumme aan
Us den Dörp von nevvenaan,
Strahlend fein en jrönem Jlanz, wenn ...

Feuerwehre kumme flöck
Met de Löschzöch anjeröck,
Hoffentlich bliev alles janz, wenn...

Links eröm un rächs eröm

Övve Desch un Bänk un Stöhl.

Links eröm un rächs eröm,

Jede föhlt sech wohl he en däm Jewöhl.

Op de Desch mieh als jenoach
Kütt e Ferke en nem Troch,
Un pro Kopp en fette Jans, wenn ...

Un dat Esse duét un duét,
Fleesch un Äepel rötsche jot,
Denn de Wing määt alles mangs, wenn ...

Refrain


Och de Paschter höpp wie jeck
Wie vom Düvel anjesteck
Met de Maad de Wäng elans, wenn ...

Langsam wiéd et drusse hell
Un de Hahn kriht om Mess janz schrill,
medden dren litt Föschtes Franz, wenn ...

Refrain

Ralala la la la...





3. CÄMPINGLEED

Text und Musik: Karl Berbuer

Flöck de Rucksack enjepack, es dat neue Zelt em Sack?
Mamm, mir wolle all jätt en Erholung jonn.
Kochjeschier, wat söns noch all, uns Kanaljemöschtijall,
nemm se met, de Kammerpott loss stonn.
Un et rähnte wie e Bies, doch em Söłztal op ‚ner Wies
lore Schmitzens jetz em Zelt bei Mutter Jrön.
Weil die iéschte Naach add doll un de Mamm de Naas add voll,
säät de Bap, dä ,t jot jement hat: »Häs de Tön«.

**Do laachs de dich kapott, dat nennt me Cämping. Doch laachs de dich kapott, dat fink me schön.
Wenn em Zelt de Mücke und de Hummele dich verjücke, un du kanns dann net eruss em Rähn.
Wenn em Zelt de Mücke un de Hummele dich verjücke, un du kanns dann net eruss em Rähn.**

Hasche mich en Hөppekrat, hөppten op däm Schmitz sing Plaat.
Mamm, du häs ‚ne Käfer em »Enkeur de Bleck«.
Die Invasion em Zelt, net erwünsch un anjemeld,
wor zwor fies , doch wor de Langwiel weg.
Un et rähnte wie en Bies, doch de Mamm un och et Nies
hatten Jöck un wollten en de Bach erenn.
»Mutti«, säät et Nies, »pass op, trett net en de Ameishauf!«
Schrumm do soss se add met ihrem Brezel dren. **Refrain**

Weil dä Schäng die Dierche satt, schloch er se mem Knөppel platt.
Dat hät nix jenötz, et komen immer mieh.
Denn wenn een dobei krepieret, han ‚ner fuffzich konduliert.
Un zom Schlofe kome Schmitzens nie.
Un et rähnte wie e Bies en de Zupp un op de Kies
un de Wespe han sich em Kompott jezänk.
Plötzlich bei ‚nem Sturm, oh Jott, ref de Mamm: »Et Zelt flüch fott!
Och wie herrlich, uns Erholung es am Eng.« **Refrain**

4. HEE IN BONN

Text: Torben Palm | Musik: Kribbelköpp

Wenn ich in de Fääne ben un ganz wigg fott vun Bonn,
denk`ich an dat aale Rothuus un die Münsterbasilika.
Janz ejal, wo mir och senn, ov Spanie, Amerika,
ons Bönnsche Siel es stets dobei, nur dodrop kütt et aan.


**Hee in Bonn schwade mir die Sproch, die me verstonn,
mir spreche Bönnsch, su wie et uns jefällt,
Un mir singe bönnsche Leeder, jo dat litt ons em Sinn
Un mir sin stolz dodrop, hee us Bonn zo senn.**

Im September jedes Jahr, es op de schääl Sick Pötzens Maat.
Un mir senn all widder do, dat es doch sonneklor.
Wo Beethoven eins jelääv, do fiere me höck all.
Met Prinz un Bonna, dä bönnsche Karneval.

Refrain

Unge do am aale Zoll, wo die Kanone stonn,
spille höck mir Bönnsche Pänz »Räuber un Gendarm«.
Hee in Bonn ben ich jebore, en dä Stadt am Rhing.
Hee kritt mich keene Düüvel ´rus, noo hee jehüür ich hin.

Refrain



5. ROLLBRETT

Text und Musik: Bläck Fööss

Dä kleene decke Dieter sät zo singem Bap
Bap ich muß e Rollbrett han
Weil me met däm Dinge schneller
Vell schneller als op Rollschoh fahre kann
Nix, sät do de Bap
Do häs doch schon e Kettcar un en Carrerabahn
De Mamm die jrad am büjele wor
meent dat fange me jaanet iéscht an

Dä kleene decke Dieter hing am nächste Dach
Bei singem Bap em Hobbykeller drin
Un bovven en de Kösch fröch et Claudia de Mam
Mam, häs do ming Rollschoh net jesenn
Nä, sät do de Mam
Sach me leever wo dat kleene Büjelbrett litt
Do röf de Dieter von de Stroß erop
Ich han jätt Neues Claudia fahr met


Kumm loss jon, loss me Rollbrett fahre
Kumm loss jon, loss me Rollbrett fahre
Kumm loss jon, loss me Rollbrett fahre jon

Met onsem Rollbrett jöcke me de Stroß eraf
Un jare links un rächs öm de Eck
Un wenn de ens de Kurv net kriss
Dann lis de met de Naas em Dreck

Komm loss jon, loss me Rollbrett fahre
Komm loss jon, loss me Rollbrett fahre
Komm loss jon, loss me Rollbrett fahre jon

De Mam kom volljepack vom Supermarkt heem
Do schoss dat Rollbrett öm de Eck
Met däm kleene Dieter un däm Claudia
De Mam, de wuéd janz stief vür Schreck
Paaf, do floch se dann
Met Eier, Äppel, Kappes un dem janze Mess
Ihr hat se wohl net all, ich han de Nas jetz voll
Dat sare ich dem Bap, dann jitt et Ress

Refrain



6. BÖNNSCHE JUNG

Text und Musik: Brings



Oh Oh ...

Deutsch-Ungerrich, dat wor nix füe mich
denn ming Sprooch die jov et do nit.
»Sprech ördentlich« hät de Mam jesaht
ding Zeuchniss dat wiéd keene Hit.
Ich sprech doch nur, minge eejene Sproch.
Wuss net, wat se vun mir wullt.
Ejal wat ich saren dät, et wor verkiéht

**Denn ich ben nur ne Bönnsche Jung
un ming Hätz, dat litt mir op de Zong
Op de Stross han ich ming Sprooch jeliehrt
un jedes Wort wie tättowiert op minger Zong,
... ich ben ne Bönnsche Jong**

Oh Oh....

Höck ben ich jlöcklich, dat ich et kann.
Ons Sprooch, die mäht ons doch uss.
Me hüét schon von Wiggem
wenn eener Bönnsch schwaad,
do föhl ich mich direk zo Huus.
Wemmer se spreche, dann lääv se noch lang
dann jeht se och niemols kapott
ons Sprooch iss en Jeschenk, vom leeve Jott

**Denn ich ben nur ne Bönnsche Jung
un ming Hätz, dat litt mir op de Zong
Op de Stross han ich ming Sprooch jeliehrt
un jedes Wort wie tättowiert op minger Zong,
... ich ben ne Bönnsche Jong**

Oh Oh....

**Denn ich ben nur ne Bönnsche Jung
un ming Hätz, dat litt mir op de Zong
Op de Stross han ich ming Sprooch jeliehrt
un jedes Wort wie tättowiert op minger Zong,
... ich ben ne Bönnsche Jong**

7. ECHTE FRÜNDE

Text: Peter Horn-Peters | Musik: Traditional

**Echte Fründe stonn zesamme,
stonn zesamme su wie eene Jott un Pott
Echte Fründe stonn zesamme,
is och ding Jlöck op Jöck un lööf dir fott.
Fründe, Fründe, Fründe en der Nut,
jonn´e hundert, hundert op e Lut.
Echte Fründe stonn zesamme,
su wie eene Jott un Pott.**

Do häß Jlöck, Erfolg un küss zo Jeld.
Dich kennt he op eenmol Jott un alle Welt.
Minsche, die dich vürher nit jekannt
kumme us de Löcher anjerannt,
sin janz plötzlich all met dir verwandt.

Refrain

Do häß Pech, et jeht de Bersch erav,
Verjesse is all dat wat do bisher jeschaff.
Minsche, die dich vürher jot jekannt
jevven dir noch nit ens mieh de Hand.
Jetz sühs do, wä zo Rääch sich Fründ jenannt.

Refrain



8. ET JITT KEEN WOOD

Text und Musik: Cat Ballou

Ich bin Lokalpatriot
Mit stolzer Bruss ming Fahn schwing ruud und wieß
Alle wolle noh Berlin, erus in die große Welt
Doch mich kriss te he nit fott
Ich kann nit sare wat mich he hält

**Et jitt keen Wood, dat sare künnt,
Wat ich föhl, wenn ich an Bonn hee denk – oh oh oh –
Wenn ich an ming Heemat denk!**

Han mich imme noch nit satt jehürt
An Bönnsche Leeder un dem SchmuH vum Rhing
Han mich imme noch nit satt jesinn
An all de Hüsjer un'm Münster
Doch ich kann nit sare wat mich he hält

Refrain

Et jitt dausend schöne Leeder
In jedem steck' jett Wohres drin
Doch et jeht unendlich wigger
Denn et es nie zu off jesaht

Refrain

... Ich han eenfach dat Jeföhl, ich bin zo Huus



9. ICH WÜNSCHE ME VUM HILLIGE MANN

Text: Gertrud Meinert | Bearbeitung: Werner Dies

Ich wünsche me vum Hillije Mann, Hillije Mann, Hillije Mann

Wat me sich net koofe kann, wat me sich nit koofe kann

Ne Lehrer dä net immer schängk wenn me sich mem Nohber zängk
un dä wenn me ens jett verjiss nit also wöödich is.

Ich wünsche me vum Hillije Mann, Hillije Mann, Hillije Mann

Wat me sich net koofe kann, wat me sich nit koofe kann

Ich wünsche me ne echte Fründ, met däm me Pädche kleue künnt
Füe dä e Ihrewoot noch zällt, dä imme zo me hält

Ich wünsche me vum Hillije Mann, Hillije Mann, Hillije Mann

Wat me sich net koofe kann, wat me sich nit koofe kann

Ich wünsche me, dat minge Bap nit eenes Daachs zesammeklapp.
De Arbeet mäht in bal kapott, dat süht doch jede Krott.


Ich wünsche me vum Hillije Mann, Hillije Mann, Hillije Mann

Wat me sich net koofe kann, wat me sich nit koofe kann

Ich wünsche me, dat Bap un Mamm och imme widder jähn sich han.
Ich spüre do lööf jet verkiét. Maach dat et besse wiéd.

Ich wünsche me vum Hillije Mann, Hillije Mann, Hillije Mann

Wat me sich net koofe kann, wat me sich nit koofe kann



10. ÄPPEL, NÖSS UN MARZIPAN

Interpret: Bläck Fööss | Texter/Komponist: H. Knipp | Verlag: Bläck Fööss Musikverlag

**Äppel Nöss un Marzipan, sollen Jroß un Kleen höck han,
Alles wat vill Freud uns mäht et Chrefskind unger et Böömche lät,
et Chrefskind unger et Böömche lät.
Zuiésch wiéd alles ussjepack un dann weede de Boomnöß jeknack.**

Et Jüppche kritt e Rad de Fritz en Ihsebahn
et Bärbel kritt en Pupp die Pipi maache kann.
Dä Bap dä kritt ene Schlips, wat söns dat es doch klor.
De Mamm die kritt vill Arbeed, su wie jedes Johr,
de Mamm die kritt vill Arbeed, su wie jedes Johr

Refrain

De Oma kritt en Mötz, Ühm Pitter vier paar Söck,
de Opa kritt en Pief, dä hätt add drissich Stöck.
Ühm Schäng dä jähn jätt drink, kritt Klore em Kartong,
Tant Net kritt nüngzich Mark für dä Friesiersalong
Tant Net kritt nüngzich Mark für dä Friesiersalong.

Refrain



11. ET HÄT JESCHNEIT

Text und Musik: Hans Knipp | Bearbeitung: Dieter GlavePaveier | Musikverlag, Köln



Et hät jeschnait, et hät jeschnait, kumm holl de Schlidde rus!
De Stroß is wieß de Naas is ruut, du sühs jo lecke us.
Et hät jeschnait, et hät jeschnait de Schultäsch flüch treck in de Eck.
Denn wenn et rähnt dann is de Herrlichkeet flöck weg.

Mir han jedaach e kütt ni mieh, e kütt ni mieh, dä iéschte Schnie,
doch letzte Naach do kom e dann ens endlich widder aan.
Mir klimme op de Rodderberch half Bonn es och schon do,
met Ski, met Schlidde un op de Fott, et schneit jo nur all Jubeljoahr.

Et hät jeschnait, et hät jeschnait, kumm holl de Schlidde rus!
De Stroß is wieß de Naas is ruut, du sühs jo lecke us.
Et hät jeschnait, et hät jeschnait de Schultäsch flüch treck in de Eck.
Denn wenn et rähnt dann is de Herrlichkeet flöck weg.

Flach wie e Brett, flöck weg du Jeck, Bob eens dä schüüss jetz öm de Eck.
Mir jevve Jas, de Botz klätschnaaß, Karambolasch mäht Spaß.
Ne Looping rückwäts, Haupsach is, de Knoche blieve janz.
Ding Knoche die de dann alleen, bei dir doheem all zälle kanns.

Et hät jeschnait, et hät jeschnait, kumm holl de Schlidde rus!
De Stroß is wieß de Naas is ruut, du sühs jo lecke us.
Et hät jeschnait, et hät jeschnait de Schultäsch flüch treck in de Eck.
Denn wenn et rähnt dann is de Herrlichkeet flöck weg.





FESTAUSSCHUSS BONNER KARNEVAL E.V.
ZUR PFLEGE FASTNACHTLICHER BRÄUCHE IM BUND DEUTSCHER KARNEVAL

**Herzlichen Dank
an unsere Sponsoren:**



Hans-Peter Dechert